


Førde, Haukedalen  
Holsen  
kyrkjer

KONF  
IRM  
AN  
20 ✦ 22



## Ei viktig tid – eit viktig val!

Det er berre eit  
år til ein  
høgtideleg dag  
i livet ditt.



Neste år kan du feire din konfirmasjonsdag i kyrkja.  
Velkomen som konfirmant i  
Førde, Holsen eller Haukedalen kyrkje!

Konfirmanttida er ei tid for å tenkje nye tankar, få nye opplevingar og kanskje nye vener!

I konfirmanttida er det tid og rom for å tenkje og stille spørsmål.

Ei tid for å lære meir om Gud, om deg sjølv og om andre menneske.

### **KVA ER KONFIRMASJON?**

Ordet konfirmasjon kan bety både «å stadfeste» og «å gjere sterk».

Konfirmasjonshandlinga er ei forbønshandling der vi ber Gud om å velsigne og styrkje kvar enkelt konfirmant. I konfirmasjonen stadfestar Gud løfta sine som han ga i dåpen.

Det viktigaste med konfirmanttida er å bli betre kjend med den kristne trua, der Gud seier ja til oss og vil vere ein del av livet vårt.

### **EI KONFIRMANTTID FOR ALLE**

Alle har rett til ei god konfirmanttid uansett funksjonsevne. Dersom det trengst individuell tilrettelegging, ta det opp på konfirmantsamtalen, evt. ta kontakt med den konfirmantansvarlege, (sjå kontaktinfo på baksida) slik at vi kan finne dei gode løysingane for dykk.

### **EG ER IKKJE DØYPT – KAN EG KONFIRMERAST?**

Du er velkomen til å delta i konfirmantopplegget sjølv om du ikkje er døypt. Dåpen er ein føresetnad for å delta i den avsluttande forbønsgudstenesta. Kwart år er det fleire konfirmantar som blir døypte.



## Avtale



Kyrkjelyden ønskjer at konfirmanttida skal vere ei god og lærerik tid for alle konfirmantane, fylt med fine opplevingar, erfaringar og kunnskap til å ta med seg vidare i livet. For at tida skal bli best mogleg, avtalar vi på førehand kva vi kan vente av kvarandre.

### **Av konfirmantleiarane i kyrkjelyden kan de vente at:**

- Vi bryr oss om konfirmantane.
- Vi gjer vårt beste for at konfirmanttida skal vere lærerik og minneverdig.
- Vi – saman med konfirmantane lagar god undervisning og flotte aktivitetar.
- Vi sender ut informasjon i god tid
- Vi svarar på e-post, telefon og sms.

### **Av konfirmantane ventar vi at:**

- Du deltek på alle samlingar og aktivitetar, inkl. minst 8 gudstenester i løpet av konfirmanttida.
- Du møter presis til timane og tek med konfirmantbibelen

(som du får av oss) og skrivesaker.

- Foreldra melder frå når du er forhindra frå å kome, og du tek att fråvær med ekstratime eller oppgåveløysing.

### **Av dei føresette ventar vi at:**

- De hjelper til med to foreldreoppgåver.
- De møter på foreldremøta.
- De sender skriftleg melding til konfirmantlæraren på førehand dersom konfirmanten er nøydd til å vere borte frå ein del av opplegget.
- De følgjer opp og støttar konfirmanten.

Gudstenestene som inngår i konfirmantopplegget, er opne for alle, og de er hjarteleg velkomne.

Helsing oss som arbeider med konfirmasjon i Førde, Holsen og Haukedalen

Felles  
for alle  
konfir-  
mantane



Konfirmantane følgjer skuleklassane på konfirmantsamlingane. Nokre av samlingane skjer rett etter skuletid, medan andre skjer seinare på kvelden og/eller helg.

I tillegg skal konfirmantane velje ei gruppe ut i frå interesse. Meir om dette under «konfirmantgrupper» side 6 og 7.

**TUR TIL NESHOLMEN  
1.-3. OKTOBER.**

Vi startar konfirmantåret på Nesholmen leirstad i Hyen. Vi deler konfirmantkullet i to, og har ein heil dag saman med kvar gruppe. Det vert aktivitetar inne og ute. (NB! Merk at dette ikkje er den same turen som Hausttreff. Sjå under «konfirmantgrupper»)

**SAMAN 19.-20. NOVEMBER**

Vi får besøk frå Bjørgvin bispedømme. Dei lagar ein kjekk samling saman med konfirmantane. Det vert musikk, leik og mykje meir

**NATTCUP 21. JANUAR**

Nattcup i Førdehuset er ein mangeårig tradisjon i Sunnfjord. Arrangementet er bygd opp rundt ein fotballcup, men det skjer mykje meir for dei mange konfirmantane frå Sunnfjord/Sogn: bading, kino, konsert, gudsteneste, show og mykje meir.

**AKSJONSHELG 2. APRIL**

Konfirmantane møtes til ei samling på Førde Kyrkjetun. Her førebur vi m.a. fasteaksjonen, vi et eit måltid saman og har det kjekt.



**FASTEAKSJONEN 5. APRIL**

Kvart år samlar konfirmantane i Førde, Holsen og Haukedalen inn pengar til Kirkens Nødhjelp sin fasteaksjon. Til saman vert det samla inn om lag 100.000 kr. Dette er ein dag der alle konfirmantane, og mange foreldre er med.



## Guds- tenester



Konfirmantane skal vere på minst 8 gudstenester (inkludert dei obligatoriske gudstenestene) i løpet av konfirmasjonstida. Du får ei bok som du noterer i under gudstenesta. Du kan gå på gudstenester kvar som helst i landet. Hugs å få stempel/underskrift frå klokkar/prest, og ta godt vare på boka di.

### **PRESENTASJONS GUDSTENESTER**

Konfirmantane vert presenterte for sin kyrkjelyd på ei gudsteneste.

Denne gudstenesta er obligatorisk for alle!

Haukedalen kyrkje:

29. september kl. 19:00

Holsen kyrkje:

17. oktober kl. 11:00

Førde kyrkje: 23 oktober

### **LYSMESSE 5. DESEMBER**

Dette er ei stemningsfull gudsteneste der konfirmantane deltek i heile gudstenesta.

Denne gudstenesta er obligatorisk for alle.

Førde kyrkje: 5. desember kl. 18:00

Holsen kyrkje: 5. desember kl. 11:00

Haukedalen kyrkje:

5. desember kl. 14:00

### **TEMAGUDSTENESTE**

#### **3. APRIL**

Dette er ei gudsteneste der Kirkens Nødhjelp sin fasteaksjon står i fokus, og konfirmantane inviterer foreldre, fadrar, kyrkjelyden og andre til å vere med å få ein «smakebit» på kva dei har vore igjennom i konfirmantåret.

Denne gudstenesta er obligatorisk for alle Førde-konfirmantane.

### **TENESTEOPPGÅVER**

Gjennom å delta i ei gudsteneste vil konfirmantane sjølv erfare at dei er ein del av kyrkjelyden. Difor skal alle konfirmantane vere med og delta på ei gudsteneste i løpet av konfirmanttida. Dersom du ynskjer å syngje, eller spele eit instrument, må du gjerne melde frå om det i påmeldinga.

## Konfirmant grupper



Konfirmantane må velje ei gruppe ut i frå interesse. På dei fleste gruppene har vi eit maks tal konfirmantar. Det vil seie at ikkje alle konfirmantane kan få fyrste ynsket sitt. De må difor sette opp tre ynskje i *prioritert* rekkefølge. Om ein ynskjer det, kan ein sette opp 1-2 personar ein ynskjer å kome på gruppe med.

### **A: AKTIV KONFIRMANT**

Aktiv konfirmant er ei gruppe for deg som liker å vere i aktivitet. 4 gonger i løpet av konfirmantåret vert det eigne «aktivkveldar» der ein har ulike aktivitetar. Det kan t.d. vere orientering, gymsal-aktivitetar eller noko anna kjekt.

Maks tal konfirmantar: 30

### **B: GAMING KONFIRMANT**

Denne gruppa er ei heilt ny gruppe for konfirmantane i Førde. Det er eit samarbeid med Sogn og Fjordane KFUK-KFUM og Sunnfjord gaming. Det vert 4 «gamingkveldar» i løpet av året.

Maks tal konfirmantar: 14

### **C: KREATIV KONFIRMANT**

Kreativ konfirmant er ei gruppe for deg som liker å lage ting, og å vere kreativ. Det kan t.d. vere leire, strikking, teikning, foto og mykje anna. Det vert 4 «kreativsamlingar» på Førde Kyrkjetun.

Maks tal konfirmantar: 20

### **D: DECIDING KONFIRMANT**

Deciding er Førde si Ten Sing gruppe. Dei har medlemmer frå 8. klasse og opp til 3. vgs. Dei øver kvar tysdag. I Deciding driv ein hovudsakeleg med kor, men det er og dans, drama, multimedia og teknikk. Deciding har eigne turar og konsertar. Som Deciding-konfirmant vert ein med på alle øvingane og konsertane i skuleåret.



## Konfirmant grupper



Om du ynskjer å reise på leir, er det fire alternativ å velje mellom:

### **E: BYKONFIRMANT**

Bykonfirmant er og ei ny gruppe i Førde. Denne gruppa vil reise ei helg til Bergen. Målet med turen er å bli kjend med nokre av dei kristne organisasjonane som jobbar med omsorg for menneske som t.d. Kirkens Bymisjon.

Maks tal konfirmantar: 20

### **F: HAUSTTREFF KONFIRMANT**

#### **LEIR 15.-17. OKTOBER**

Hausttreff er ein leir i regi av Sogn og Fjordane KFUK-KFUM for 13 – 19 åringar frå Sogn og Fjordane.

Her vert det musikk, kor, band, friluft og aktivitet. Det blir leir, moro og konkurransar inne og ute heile helga.

(NB! Dette er ikkje den same turen til Nesholmen som alle konfirmantane skal på i oktober.)

Maks tal konfirmantar: 25

### **G: SMSLEIR KONFIRMANT LEIR 12.-14. NOVEMBER**

Smsleir er ein leir i regi av NMSU på Alværa misjonscenter i Lavik. På leiren vert det aktivitetar inne og ute som t.d. uteleik, hobbyaktivitetar, leirkveld mm.

Maks tal konfirmantar: 35.

### **H: SKILEIR KONFIRMANT LEIR 11.-13. FEBRUAR**

Skileir er ein leir på Fjellseter ungdomssenter i Sykkylven. Mykje av leiren skjer i skibakken, men det vert og tid til inne-aktivitetar på kveldane.

Maks tal konfirmantar: 40.



## Økonomi



Konfirmantåret kostar ulikt ut i frå kva gruppe du vel. Turen til Nesholmen i oktober, nattcup, mat på nokre av samlingane og leige av konfirmantkappe er likt for alle gruppene. Om nokon treng økonomisk støtte, bed vi deg ta kontakt med ansvarleg for konfirmantåret. Vi har av og til konfirmantar frå andre kyrkjesamfunn som deltek i deler av, eller heile konfirmantåret. Ta kontakt for praktiske og økonomiske avklaringar.

### **A : AKTIV KONFIRMANT**

Pris: 800,- dekker og utgifter til aktivitetane

### **B : GAMING KONFIRMANT**

Pris: 1100,- dekker og utgifter til aktivitetane

### **C: BYKONFIRMANT**

Pris: 2000,- dekker og reise til og opphald i Bergen

### **D: KREATIV KONFIRMANT**

Pris: 900,- dekker og materiell til aktivitetane.

### **E: DECIDING KONFIRMANT**

Pris: 1900,- dekker og medlemsskap i Deciding (900,- og medlemsskap i KFUK-KFUM 300,-)

### **F: HAUSTTREFF KONFIRMANT**

Pris: 2400,- dekker og reise + leiropphald

### **G: SMSLEIR KONFIRMANT**

Pris: 2100,- dekker og reise + leiropphald

### **H: SKILEIR KONFIRMANT**

Pris: 2500,- dekker og reise, leiropphald og heiskort





## Foreldre/ føresette



For å gjennomføre konfirmantåret er vi avhengige av de foreldre. De får difor to oppgaver som vi treng dykkar hjelp til.

Set opp **tre** ynskje i prioritert rekkefølge i påmeldingsskjema. (Du får berre to oppgaver å utføre.)

Om nokon har særskilde behov når det gjeld foreldreoppgåvene, må de skrive det inn i kommentarfeltet i påmeldinga.

### **1: VERE MED PÅ LEIR/ I EI KONFIRMANTGRUPPE**

For at vi skal kunne gjennomføre leir og bykonfirmant, er vi avhengige av at nokre foreldre kan vere med som medhjelpar (heile eller deler av helga). Vi kan og ha behov for foreldre på aktiv konfirmant, gaming konfirmant eller kreativ konfirmant. Skriv i merknadsfeltet kva gruppe du kan vere medhjelpar for.

### **2: VERE MED PÅ TUR TIL NESHOLMEN 1.-3. OKTOBER**

Vi treng foreldre som kan vere med bussane ut til Nesholmen og hjelpe til med ulike praktiske oppgaver der ute. Om det er nokon som kan køyre buss til Nesholmen ein av dagane (tilsett i Firda billag), er det flott! Meld evt. frå om det i påmeldinga.


### **3: VAKT PÅ NATTCUP 21. JANUAR**

Vi treng foreldre som kan vere vakt på nattcupen i januar. Vi treng nokre foreldre som kan ha eit ekstra ansvar inn mot dei ulike konfirmantgruppene (halve natta, og vi treng foreldre til dei «ordinære» vaktene (passe inngangane, plukke søppel etc.).

### **4: KØYRING TIL FASTEAKSJONEN 5. APRIL**

Vi treng mange sjåførar denne dagen som kan køyre konfirmantane til dei ulike stadene dei skal samle inn pengar.





### **5: HJELP PÅ AKSJONSHELG/ PRAKTISK HJELP PÅ KONFIRMANTSAMLINGAR**

Vi treng foreldre som kan hjelpe til med praktiske oppgåver ei konfirmantsamling eller aksjonshelga. Det kan vere å hjelpe til med å lage mat, vere tilgjengeleg for konfirmantane i pausane osv.

I tillegg til desse, kjem vi til å spørja dykk i løpet av året om å bake ca. 30 bollar anten til Nesholmen-turen i oktober, eller til fasteaksjonen i april.

Når konfirmanten har tenesteoppgåve på gudsteneste, spør vi foreldra om å bidra på kyrkjekaffien.

På førehand: Takk for hjelpa!

### **6: PRAKTISK HJELP PÅ KONFIRMASJONSDAGEN**

Vi treng foreldre som kan vere med og hjelpe til med konfirmantkappene og gåveposane på Førde kyrkjetun ein av konfirmasjonsdagane ein sjølv ikkje har konfirmant.

# Påmelding til konfirmant året



Vi ynskjer at de melder dykk på konfirmantåret elektronisk. Om nokon har vanskar med det, bed vi dykk ta kontakt med kyrkjekontoret for hjelp eller manuell påmelding.

## **PÅMELDING STEG FOR STEG:**

1. Gå inn på [minkirkeside.no/Sunnfjord](http://minkirkeside.no/Sunnfjord)
2. Registrer mobilnummer anten til konfirmant eller forelder. Då får du tilsendt ein kode du må bruke for å logge inn og starte registreringa.
3. Trykk på registrer ny konfirmant.
4. Vel sokn. (Førde, eller Holsen og Haukedalen)
5. Fyll ut skjemaet. Det er lurt at konfirmant og forelder fyller ut skjema saman, Det er viktig at du fyller ut all etterspurt informasjon. Bruk kommentarfeltet om du har tilleggsinformasjon. Sjekk at e-post er stava riktig. (Om du har ein annan e-postkonto enn hotmail, bruk gjerne den andre då vi har utfordringar med å nå fram med e-postar til hotmail-kontoar.)
6. Trykk send inn.
7. Du er no påmeldt til konfirmantåret. Du får automatisk tilsendt ein e-post som syner påmeldinga di. Dersom du ikkje får e-post med stadfesting av påmeldinga, må du sjekke spam-filteret i e-posten. Om det ikkje ligg melding der, må du gå inn igjen på [minkirkeside](http://minkirkeside.no) for å sjå om påmeldinga er blitt registrert.

## **KONFIRMANTSAMTALE**

Etter at du har meldt deg på konfirmantåret, ynskjer vi at du kjem på konfirmantsamtale i juni. For meir informasjon sjå vedlagte brev.





8. mai kl. 10:00 9A Fusk

8. mai kl. 12:00 9B Fusk

14. mai kl. 10:00 9C Fusk

14. mai kl. 12:00 9D Fusk

22. mai kl. 10:00 9A Husk

22. mai kl. 12: 00 9B Husk

26. mai kl. 10:00 9C Husk

26. mai kl. 12:00 9D Husk

15. mai kl. 11:00 Holsen

29. mai kl. 11:00 Haukedalen

**Kontakt oss:**

Heimeside: [kyrkja.no/forde](http://kyrkja.no/forde)

E-post: [post.forde@sunnfjordkyrkja.no](mailto:post.forde@sunnfjordkyrkja.no)

eller [heidi.styve@sunnfjordkyrkja.no](mailto:heidi.styve@sunnfjordkyrkja.no)

Tlf: 57 82 81 80

Konfirmantansvarleg: Heidi Voltersvik Styve